

Է. Ի. Մ. ԶՐԲԱՇԱՆ
(Մենդյան 70)-ասյակի առթիվ)

Լրացավ հայ անվանի դրականագետ, բանասիրական գիտությունների դոկտոր, պրոֆեսոր, ՀՀ ԿԱԱ Իսկական անդամ, Մ. Աբեղյանի անվան գրականության ինստիտուտի տնօրեն էդվարդ Մկրտչի Զրբաշյանի ծննդյան 70-ամյակը:

Էդ. Զրբաշյանը ծնվել է 1923 թ. սեպտեմբերի 24-ին, Երևանում, Վա-



նիյց դադթած ծնողների ընտանիքում: 1941 թ. Երևանի Շ. Ռուսթավելու անվան միջնակարգ դպրոցը ավարտելը և Հայրենական պատերազմի սկսվելը համընկնում են իրար և Զրբաշյանը զորակոչվում է բանակ, ուր ծառայում է մինչ 1945 թ.: 1942-ի աշնանից, լեյտենանտի կոչումով, սկսում է անմիջական մասնակցությունը ռադմական գործողություններին, նախ՝ Հյուսիսային Կովկասում, այնուհետև 3-րդ Բևերականական ճակատում: 1944 թ. հոկտեմբերի վերջին, գրոհի ժամանակ, հրիտասարդ մարտկոցի հրամանատարը ծանր վիրավորվում է, շուրջ 10 ամիս տարբեր զինվորական հոսպիտալներում ապաքինվում և զորացրվում է արդեն հաղթանակից հետո:

1945 թ. սեպտեմբերին իրականանում է Զրբաշյանի երազանքը. նա ընդունվում է Երևանի պետհամալսարանի բանասիրական ֆակուլտետը: Համալսարանում նրա դասախոսների թվում եղել են՝ Ա. Տերտերյանը, Գ. Ղափանցյանը, Մ. Մկրտչյանը, Գ. Սևակը, Էդ. Աղայանը, Գ. Զահուկյանը և ուրիշներ: Համալսարանը ավարտելուց անմիջապես հետո նա սկսել է գրականության տեսություն գաղափարները, նույն մասնագիտության գծով 1954 թ. պաշտպանում է թեկնածուական դիսերտացիա: Զրբաշյանը երկար տարիներ ղեկավարել է համալսարանի գրականության տեսության և գեղագիտության ամբիոնը: 1965 թ. ՀԳԱ Մ. Աբեղյանի անվան գրականության ինստիտուտում իր «Թումանյանի պոեմները» մենագրությունը պաշտպանում է որպես դոկտորական դիսերտացիա:

Դասախոսական աշխատանքներին զուգահեռ նա սկսում է իր աշխատանքները Մ. Աբեղյանի անվան գրականության ինստիտուտում, ուր 1966—1970 թթ. ղեկավարում է գրականության տեսության բաժինը: Այդ աշխատանքի անդրանիկ արդյունքը եղավ Զրբաշյանի անմիջական մասնակցությամբ ու խմբագրությամբ ստեղծված «Գրական ժանրեր»՝ իր բնույթի մեջ առաջին տեսական ժողովածուն (1973):

Էդ. Զրբաշյանը իր գործուն մասնակցությունն է բերել նաև Հայաստանի գրական կազմակերպությունների աշխատանքներին, եղել է Գրական թերթի խմբագրի տեղակալ (1953—1954 թթ.) և «Մովսեսական գրականու-

թյուն» ամսագրի գլխավոր խմբագիր (1961—1962 թթ.), իսկ 1966—1977 թթ.՝ «Բանբեր Երևանի համալսարանի» (հասարակական գիտություններ) նորագույն հանդեսի գլխավոր խմբագիրը և շատ ջանք է թափել այդ հրատարակության ձևավորման ու հասարակական ճանաչման գործում:

1977 թ. Ջրբաշյանը նշանակվում է Հայաստանի գիտությունների ակադեմիայի Մ. Աբեղյանի անվան գրականության ինստիտուտի տնօրեն, 1974 թ. ընտրվել է ՀԳԱ թղթակից անդամ, 1982 թ.՝ իսկական անդամ:

էդ. Ջրբաշյանի գիտական գործունեությունն ընթացել է մի քանի ուղղություններով: Նրա ուսումնասիրության բնագավառը հիմնականում եղել է XIX և XX դարերի հայ գրականությունը՝ Աբովյանից, Ալիշանից սկսած մինչև ժամանակակից գրական զարգացման հարցերը: Սակայն էդ. Ջրբաշյանը հատկապես շատ ջանք ու եռանդ է նվիրել այն բանաստեղծների ստեղծագործության ուսումնասիրությանը, որոնց ինչը համախմբել է իր «Զորս գագաթ» խորհրդանշական վերնագիրը կրող գրքում՝ Հովհ. Թումանյան, Ավ. Իսահակյան, Վ. Տերյան, Ե. Չարենց: «Զորս գագաթ» գիրքը լույս տեսավ 1982 թ., իսկ 1990 թ. այն հրատարակեց մոսկովյան հայտնի «Սովետսկի պիսատեյ» հրատարակչությունը:

Արևելահայ գրական հսկաների կողքին գիտնականը միաժամանակ զբաղվել է արևմտահայ պոեզիայի ուսումնասիրությամբ, որի արդյունքը եղան «Միսաք Մեծարենց» (1958 և 1977) և «Ռուբեն Սևակ» (1965) մենագրությունները, ինչպես նաև արևմտահայ պոեզիայի ոտներն աժողովածուի (1983, Լենինգրադ) ծավալուն առաջաբանը՝ «Վշտի և պայքարի պոեզիան»:

Սակայն Ջրբաշյանի բոլոր գրական-պատմական հետազոտությունների կենտրոնում արդեն մի քանի տասնամյակ է, որ եղել է ու կա Հովհ. Թումանյանը, իբրև ազգային գրականության համադրական, կենտրոնական դեմք, որն իր մեջ ներառում է հայ գրականության անցյալի և ներկայի լավագույն ավանդները, ինչպես և ապագա զարգացման առողջ սաղմերը: Այս դիրքերից է նա կատարել իր հետազոտությունները, որոնք ամփոփվել են՝ «Թումանյանի պոեմները» (1964, 1986), «Թումանյան. Ստեղծագործության պրոբլեմներ» (1988), «Թումանյանը և հայ գրականության ավանդույթները» (գտնվում է տպարանում) մենագրությունների մեջ: Իսկ ընդհանուր առմամբ թումանյանական նրա աշխատությունները անցնում են հարյուրից: Այս նվիրումի արդյունքը եղավ նրա ղեկավարությամբ հիմք դրված Հովհ. Թումանյանի նոր ակադեմիականը՝ 10 հատորով, որոնցից առաջին չորսը արդեն լույս են տեսել, իսկ մնացածները, գերակշիռ մասով, պատրաստ են տպագրության: Այստեղ գլխավոր խմբագրի պարտականություններ կատարելուց բացի, նա հանդես է եկել որպես բնագրերի պատրաստման և ծանոթագրման ակտիվ մասնակից, ինչպես նաև գրել է մի շարք հատորների ներածական, ամփոփիչ հոդվածները՝ Թումանյանի ստեղծագործության տարբեր ժանրերի մասին:

էդ. Ջրբաշյանը եղել է «Թումանյան. Ուսումնասիրություններ և հրապարակումներ» մատենաշարի ստեղծման նախաձեռնողը և ակտիվ հեղինակներից մեկը: Ներկայումս էդ. Ջրբաշյանի ղեկավարած խումբը ձեռնամուխ է եղել մի նոր կարևոր գործի՝ Թումանյանի կյանքի և ստեղծագործության տարեգրության ստեղծմանը (երկու գրքով):

Անցած տարիներին գիտնականը մի շարք աշխատություններ է նվիրել գրական առնչությունների տարբեր խնդիրներին: Այս դեպքում էլ նա աշխատել է ցույց տալ ճշմարիտ ստեղծագործական կապերը, որոնք իրենց էությունով նպաստում են ազգային գրականության զարգացմանը: Այս բնույթի գործերից հարկ է հիշատակել՝ «Թումանյանը և Պուշկինը» (1956), «Իսահակյանի «Աբու Լալա Մահարին» և ռումանտիկական պոեմի ամանդույթները» (1975), «Վահան Տերյանը և Լերմոնտովի պոեզիան» (1974), «Ծղիշ Զարենցը և Պուշկինի ժառանգությունը» (1976):

էդ. Զորաշյանի դիտական հետաքրքրությունների մյուս հիմնական բնադավաոր դրականության տեսության խնդիրներն են: Այստեղ նրան զբաղեցրել են երեք բնույթի հարցեր. գեղարվեստական մեթոդի, գրական ժանրերի դասակարգման սկզբունքների և տաղաչափության ընդհանուր ու կոնկրետ ազգային առանձնահատկությունների ուսումնասիրությունը:

Մ. Արեղյանի հայտնի աշխատություններից հետո, հայկական տաղաչափությունը երկար ժամանակ գտնվում էր մոռացված վիճակում և հալ բնասիրության ամենից քիչ ուսումնասիրված բնագավառն էր: Սկսած 1960-ական թթ., Զորաշյանի և նրա մի քանի աշակերտների ջանքերով, այս բնադավաորում որոշակի աշխուժություն մտցվեց, Հիշենք, որ 1974 թ. Երևանում հրավիրվեց համամիութենական գիտաժողով, որի նյութերը լույս տեսան առանձին գրքով (Տաղաչափության պրոբլեմներ», Երևան, 1975):

էդ. Զորաշյանին է պատկանում նաև հայ իրականության մեջ առաջին գրականության տեսության ամբողջական ձևաբանության պատիվը: Նրա սրած դասագիրքը լույս տեսավ 1961 թ. և քսան տարիների ընթացքում ունեցավ հինգ հրատարակություն, ժամանակի ընթացքում անընդհատ բւրելավվելով և կատարելագործվելով: Այս դասագրքի կարևոր արժանիքը այն է, որ գրականության ընդհանուր տեսական սկզբունքները իմաստավորվել և շարադրվել են հիմնականում հայ դասական գրականության նյութի վրա: Արդեն ավելի քան երեք տասնամյակ այս դասագիրքը ծառայում է մեր ուսանողներին, մանկավարժներին, գրականության և արվեստի հարցերով հետաքրքրվող ընթերցող շրջաններին:

Գիտնականը ավելի քան մեկուկես տասնամյակ ղեկավարելով ՀՀ ԳԱԱ Մ. Արեղյանի անվան գրականության ինստիտուտը, շատ ջանք և եռանդ է թափել ինստիտուտի գիտական ուժերը հայ գրականության ուսումնասիրության կարևորագույն հարցերի վրա կենտրոնացնելու ուղղությամբ: Այդ տարիներին ինստիտուտը կազմակերպել է հայ գրականության պատմության հարցերին նվիրված բազմաթիվ գիտաժողովներ, ընթերցումներ, արտագնա գիտական նիստեր՝ Հայաստանի տարրեր շրջաններում: Լայն արձագանք ունեցավ 1986 թ. աշնանը կայացած հայ միջնադարյան գրականությանը նվիրված միջազգային գիտաժողովը, որի աշխատանքներին մասնակցեցին հարյուրից ավելի հայաստանցի և օտարերկրյա գիտնականներ: Նշված տարիներին տպագրվեցին ինստիտուտի աշխատակիցների մի քանի տասնյակ գիտական ժողովածուներ և մենագրական աշխատություններ, որոնց ստեղծումը և հրատարակումը, այս կամ այն առումով, նույնպես կապված է էդ. Զորաշյանի անվան հետ: Հրատարակված գրքերի քանակով գրականության ինստիտուտը տարիներ շարունակ եղել է Հայաստանի ակադեմիայի համակարգի ամենաարդյունավետ հաստատություններից մեկը:

Գիտնականը այսօր ևս աշխատանքային և ստեղծագործական վերելքի մեջ է և իր անգույ գիտական գործունեության մեջ է տեսնում իր հայրենասիրական պարտքի կատարումը: Մարտական երկու և աշխատանքային մեկ շքանշանների կողքին, էդ. Զորաշյանը երկու անգամ (1974 և 1980 թթ.) արժանացել է Հայաստանի պետական մրցանակի: Ցանկանում ենք հարգարժան հոբելյարին քաջառողջություն և իր գիտական բազմաթիվ մտահղացումների իրականացում:

Բաճաթի. գիտ. դոկտոր Ա. Վ. ԻՍԱՀԱՆՅԱՆ
Բաճաթի. գիտ. դոկտոր. Հ. ԷՂՈՑՅԱՆ